

5:5013 (40)

# LEABHAR CHEIST

NA

# MATHAR.

LEIS AN URRAMACH EOIN WILLISON,  
Ministeir an t-Soisgeil a bha'n Dundeagh.



EDINBURGH :  
PRINTED AND SOLD BY D. R. COLLIE & SON,  
19 ST DAVID STREET.

LIBRARY OF SCOTLAND  
B  
7 JAN 1972  
NATIONAL

LEABHAR CHEIST

NA

MATHAR;

NO

*Roimh-Chuideachadh do'n Dream a ta  
Og agus Aineolach,*

Chum an Deanamh Comasach air

LEABHAR CHEIST EAGLAIS NA H-ALBA  
THUIGSINN.

---

LEIS AN URRAMACH EOIN WILLISON,  
Ministeir an t-Soisgeil a bha'n Dundeagh.



NECTAMEN CONSUMEBATUR

EDINBURGH: D. R. COLLIE AND SON,  
HILL STREET LANE.

# LEABHAR CHEIST

NA

## MATHAR.

4

- C. Co a rinn thu ?  
 F. Rinn Dia.  
 C. Co is Fear-saoraidh dhuit ?  
 F. Iosa Criosd.  
 C. Co a naomhaicheas thu ?  
 F. An Spiorad Naomh.  
 C. Cia dheth a rinneadh thu ?  
 F. Do'n duslach.  
 C. Ciod ata sin a'teagasg dhuit?  
 F. Bhi iriosal agus cuimhn-each air a' bhàs.  
 C. Ciod a' chrioch air son an d'rinneadh thu ?  
 F. A thoirt seirbhis do Dhia.  
 C. Cionnus is còir dhuit seirbhis a dheanamh do Dhia ?  
 F. Le umhlachd a thoirt d'a àitheantaibh, le earbsa as ; agus gu sonraichte, le leughadh, éisdeachd, urnuigh, agus moladh, &c.  
 C. Ciod an ni àraidh is còir dhuit a chuimhneachadh ann an làithibh t'oige ?  
 F. Mo Chruithear agus m' Fhear-saoraidh.  
 C. C'ait am bheil t'ard shonas a' co-sheasamh ?  
 F. Ann an Dia a mhealtuinn.  
 C. Ciod a ta Dia gu h-àraidh ag iarraidh ort ?  
 F. Creidsinn ann, agus umhlachd a thoirt dha.  
 C. Ciod i riaghailt do chreidimh agus t'umhlachd ?  
 F. Na Sgriobtuirean Naomha.  
 C. C'ait ara bheil iad air an cur sìos ?  
 F. Anns an t-seann Tìomnadh agus san Tìomnadh nuadh  
 C. Cionnus a tha an seann Tìomnadh a' tòiseachadh agus a' crìochnachadh ?  
 F. Tha e tòiseach le Genesis, agus a' crìochnachadh le Malachi.  
 C. Cionnus a ta an Tìomnadh Nuadh a' tòiseachadh agus a' crìochnachadh ?  
 F. Tha e a' tòiseachadh le Matta, agus a' crìochnachadh le Taisbean.  
 C. Nach e am Biobul an leabhar is fearr a ta san t-saoghal ?  
 F. Is e.  
 C. Cia mar sin ?  
 F. Do bhri gur e Dia is ughdar dha, agus gu bheil a bhriathra air an deachdadh leis.  
 C. Nach bu chòir dhuitse bhi dichìollach chum am foghlum agus an tuigsinn ?  
 F. Bu chòir dhomh.  
 C. Ciod e Dia ?  
 F. Is spiorad e.  
 C. Ciod e spiorad ?  
 F. Bith neo-fhaicsinneach, nach 'eil air a dheanamh suas do fhuil agus do fheoil, mar a ta sinne ?  
 C. Am bheil spioraid sam bith eile ann ach Dia? F. Tha.  
 C. Ciod iad ?  
 F. Aingil agus anama dhaoine.  
 C. Ciod an t-eadar-dhealachadh a ta eadar iadsan agus Dia ?  
 F. Cha'n 'eil aingle agus anama dhaoine ach 'nan spioradaibh cruthaichte agus crìochnaichte ; ach a ta Dia 'na spiorad

- neo-chruthaichte agus neo-chriochnaichte.
- C. An robh toiseach sam bith aig Dia ?  
F. Cha robh.
- C. Am bi crìoch gu bràth aige?  
F. Cha bhi.
- C. Am bheil e ann o bhith-bhuantachd gu bithbhuantachd?  
F. Tha.
- C. An robh toiseach ag ainglibh is aig anamaibh dhaoine ?  
F. Bha.
- C. Co thug sin doibh ?  
F. Thug Dia.
- C. Am bi crìoch aca ?  
F. Cha bhi.
- C. Nach 'eil Dia ni's ro ghlòrmhoire na's urrainn sinne a thuigsinn ?  
F. Tha.
- C. Cia lion Dia a ta ann ?  
F. Cha'n 'eil ann ach aon a mhàin.
- C. Cia lion pearsa a ta san Diadhachd ?  
F. Tri pearsa.
- C. Co iad ?  
F. An t-Athair, am Mac, agus an Spiorad Naomh.
- C. Nach ionann nàdur do'n triuir sin ?  
F. Is ionann.
- C. An robh toiseach aig an t-saoghal ?  
F. Bha.
- C. Co a rinn e ?  
F. Rinn Dia.
- C. Co dheth a rinn se e ?  
F. Do neo-ni.
- C. Co leis a rinn se e ?  
F. Le focal a chumhachd.
- C. Ciod an ùin a ghabh e g'a dheanamh ?

- F. Sla làithean.
- C. Ciod an staid san d' rinn e na h-uile nithe ?  
F. Rinn e na h-uile nithe gu ro mhaith.
- C. Co do na làithibh air an d' rinneadh an duine ?  
F. Air an t-siathamh latha.
- C. Ciod a rinn Dia air an t-seachdamh latha ?  
F. Ghabh e fois o 'uile oibribh, agus naomhaich se e chun a bhi na shàbaid dha féin.
- C. Co an ceud fhear agus a' cheud bhean a bha air an t-saoghal ?  
F. Adhamh agus Eubha.
- C. Ciod an staid san do chruthaicheadh iad ?  
F. An staid naomh agus shona.
- C. An robh iad saor o gach peacadh agus truaighe ?  
F. Bha.
- C. An d' fhan iad anns an staid sin ?  
F. Cha d' fhan.
- C. Cia mar a thuit iad uaithe ?  
F. Le briseadh cumhnaint ri Dia.
- C. Cia lion cumhnant a rinn Dia ris an duine ?  
F. Dà chumhnant.
- C. Ciod iad ?  
F. Cumhnant nan gnìomh, agus cumhnant nan gràs.
- C. Co ris a rinn Dia cumhnant nan gnìomh ?  
F. Ri ar ceud sinnsearaibh, Adhamh agus Eubha.
- C. Am b'ann 'nan ainm féin a mhàin a rinneadh e ?  
F. Cha b'ann 'nan ainm féin a mhàin, ach an ainm an sliochd gu léir.

C. Co ris a rinn Dia cumhnant nan gràs ?

F. Ri Criosd an ainm na muinntir taghta.

C. Co iad a' mhuinntir taghta?

F. An dream sin a roghnaich Dia o shiorruidheachd, agus a thug e do Chriosd chum a bhi air an saoradh o fheirg.

C. C'ar son a ghoirear cumhnant nan gnìomh do'n cheud chumhnant?

F. Do bhrì gur gnìomh, no ùmhlachd a bha air iarraidh ann.

C. Ciod a' ghnè umhlachd a bha e ag iarraidh ?

F. Umhlachd iomlan.

C. C'ar son a ghoirear cumhnant na beatha dheth ?

F. Do bhrì gur e beatha an ruach a bha air a ghealltainn air son a choimhead.

C. Ciod a' ghnè bh-catha a gheall e ?

F. Beatha aimsireil, spioradail, agus shiorruidh.

C. Ciod am peanas a bha air a bhagradh air son briseadh a' chumhnant so ?

F. Am bàs: oir thubhairt Dia, "Anns an lá a dh'itheas tu dheth gu cinnteach bàsaichidh tu."

C. Ciod e gné bhàis a bha air a bhagradh ?

F. Bàs aimsireil, spioradail, agus shiorruidh.

C. Ciod e am bàs aimsireil ?

F. Dealachadh an anama o'n chorp.

C. Ciod e am bàs spioradail ?

F. Dealachadh an anama o Dhia.

C. Ciod e am bàs shiorruidh ?

F. Dealachadh an anama agus a' chuirp araon, o Dhia gu shiorruidh.

C. An do choimhead ar ceud sinnseara cumhnant nan gnìomh ?

F. Cha do choimhead.

C. Cionnus a bhrìst iad e ?

F. Le itheadh do'n nìheas thoirmisgte.

C. Co a thoirmisg dhoibh itheadh ?

F. Dia.

C. Co a dh'iarr orra itheadh ?

F. An diabhul.

C. An robh e 'na pheacadh mòr dhoibh itheadh dheth ?

F. Bha.

C. Ciod a rinn mar sin e ?

F. Do bhrì le itheadh, gu'n d'thug iad easumhlachd do Dhia, pheacaich iad an aghaidh an t-soluis bu mhò, bha iad neo-thaingeil do Dhia, mì-thoilichte le'n staid, agus chreid iad an diabhul a roghainn air Dia.

C. An d'thàinig ar ceud sinnseara, agus an sliochd gu léir fo pheanas a' cheud chumhnant air a shon so ?

F. Thàinig.

C. An do bhàsaich iad san latha sin féin san d'ith iad am meas toirmisgte ?

F. Bhàsaich iad gu spioradail sa' cheart latha sin, agus mar an ceudna, rinneadh buailteach iad do bhàs aimsireil agus shiorruidh.

- C. Nach do chaill iad sona mòr le'n tuiteam ?  
 F. Chaill.
- C. Ciod a chaill iad ?  
 F. Chaill iad ìomhaigh Dhé, agus co-chomunn maille ris.
- C. Ciod a ta thu a' ciallachadh le ìomhaigh Dhé a chaill iad ?  
 F. An naomhachd, agus an fhiorghloine sin a bha air an suidheachadh 'nan nàdur 'nuair a cbruthaich iad, do'n goircar a' cheud fhèrantachd.
- C. Ciod a tha thu a' ciallachadh leis a' cho-chomunn sin ri Dia a chaill iad ?  
 F. An coluadar sòlasach, agus an co-chaidreamh a bha aig ar ceud sinnsearaibh ri Dia roimh an leagadh.
- C. Am bheil dòigh sam bith leis am feud na beannachdan luachmhor sin bhi air an aisig dhuinn aris? F. Tha, tre Iosa Crìosd.
- C. Am bheil thu buailteach do gach call agus truaighe a thug Adhamh air féin leis an leagadh ? F. Tha mi.
- C. Ciod an staid anns am bheil an duine air a bhreith a nis ?  
 F. Ann an staid peacaidh agus truaighe.
- C. An d' thug thu peacadh air bith leat chum an t-sacghail ?  
 F. Thug.
- C. C' ainm a their thu ris ?  
 F. Peacadh gin.
- C. Ciod e peacadh gin ?  
 F. Am peacadh ta air ìomchar a nuas thugam le mo pharantaibh o Adhamh.

- C. Am bheil thu araon ciontach agus salach leis a' pheacadh sin?  
 F. Tha mi.
- C. Am bheil do nàdur araon air a shalachadh agus air a thruailleadh leis ? F. Tha.
- C. Cionnus ata i hios agad airsin?  
 F. Do bhri gu bheil mi a' mothachadh gu bheil mo chridhe a thaobh nàduir do-lùbaidh chum an ni a ta maith; agus so-aomaidh chum an ni ata olc.
- C. Ciod am peacadh eile a ta agad a bhàrr air peacadh gin?  
 F. Tha peacadh gnìomh agam mar an ceudna.
- C. Ciod e peacadh gnìomh ?  
 F. Am peacadh sin a ta mi a' deanamh gach latha an smuain, am briathar, agus an gnìomh.
- C. Nach e am peacadh gin an tobar o'm bheil gach peacadh gnìomh a' sruthadh ? F. Se.
- C. Nach 'eil thu truagh cho maith agus peacach a thaobh an leagaidh ? F. Tha mi.
- C. Ciod iad na truaighean a thug an leagadh oirnn ?  
 F. Tha iad tri-fillte; aimsireil, spioradail, agus siorruidh.
- C. Ciod iad na truaighean aimsireil ?  
 F. Trioblaidean agus àmhghairean a' chuirp.
- C. Ciod, iad sin ?  
 F. Gorta, cogadh, plàigh, bochduinn, masladh, tinneas, agus gum a' bliàis nu dheireadh.
- C. Ciod iad na truaighean spioradail fo'm bheil sinn a thaobh an leagaidh ?

F. Plàighean agus galairean an anama.

C. Ciod iad sin ?

F. Call ìomhaigh Dhé, agus co-chomunn ris, doille inn-tinn, cruas cridhe, neo-mhothachadh coguis, laigse cuimhne, agus an leithide sin.

C. Ciod iad na truaighean siorruidh do'm bheilsinn buailteach?

F. Do phianntaibh ifrinn nach teirig am feasd.

C. Am bheil teasairginn sam bith do dhaoine caillte fo bhristeadh a' cheud chumhnaint ?

F. Tha.

C. An d'rinn Dia cumhnant air bith eil air ar son ?

F. Rinn.

C. C'ainm a ghoirear dheth ?

F. Cumhnant nan gràs.

C. C'ar son a ghoirear sin dheth?

F. Do bhrì gu bheil na nithe a ta air an gealltuinn ann nan saor-thiodhlac dhuinne o Dhia; agus mar sin tha eadhon creidimh féin,—ni as eugmhais nach urrainn duinn còir fhaotainn a' Crìosd, agus air so-chairibh a' chumhnaint so.

C. Nach 'eil an cumhnant so ni's ro-òirdheirc nan ceud chumhnant ?

F. Tha.

C. An robh eadar-mheadhonair anns a' cheud chumhnant ?

F. Cha robh.

C. An robh comas aithreachais, no gealladh air maitheanas peacaidh ann ?

F. Cha robh.

C. Am bheil cumhnant nar gràs a' gabhail riu sin uile ?

F. Tha.

C. Am feud cumhnant nan gràs bhi air a bhristeadh no air a sgaoileadh le ar peacaibh-ne, mar a bha cumhnant nan gnìomh ?

F. Cha'n fheud.

C. Am bheil so na aobhar misnich dhuinne gu dol air ar n-aghaidh ann am peacadh ?

F. Cha'n 'eil air dòigh air bith; ach tha e 'na aobhar misnich chum naomhachd; oir cha'n fheud sinn peacachadh a chionn gu bheil gràs saoi bhir.

C. C'ar son a ta cumhnant nan gràs cho seasmhach agus cho daingean ?

F. Do bhrì gu bheil Eadar-mheadhonair agus Urras ann a chum freagradh air ar son.

C. Cò a dh'ulluich an t-Urras òirdheirc so dhuinne ?

F. Dia.

C. Ciod a ghluais e gu sin a dheanamh ?

F. A shaor-ghràdh féin.

C. An do thoill an duine ni sam bith o làimh Dhe 'na staid chaillte ?

F. Cha do thoill ni air bith, ach fearg air son a pheacaidh.

C. Cia mar a ta dùil agad ri maithcanas fhaotainn ann ad pheacadh ?

F. Tre Iosa Crìosd, an t-Urras air son pheacach chaillte.

C. An toir Dia maitheanas dhuit ann ad pheacadh gun dioladh d'a cheartas ?

F. Cha toir.

C. Am bheil thu comasach air



ceartas Dé a dhíoladh air son do pheacanna féin ?

F. Cha'n 'eil.

C. Am bheil Dia toileach air díoladh a ghabhail o neach eile air do shon ?

F. Tha.

C. Ach co a ta comasach agus toileach air an díoladh sin a thoirt seachad air ar son ?

F. Tha Iosa Críost araon deònach agus comasach.

C. An robh neach air bith eile comasach air so a dheanamh ach esan a mhàin ?

F. Cha robh.

C. C'ar son so ?

F. Do bhrì nach b'urrainn neach air bith eile fearg neo-chríochnach a ghiulan.

C. Cò e an t-Iosa Críost so ?

F. Mac Siorruidh Dhé, agus an dara Pearsa do'n Trionaid ghlòrmhoir.

C. Am bheil dream eile ann do'n goirear mic Dhé a thuille air ar Tighearn Iosa Críost ?

F. Tha.

C. Co iad ?

F. Aingil agus creidmhich.

C. Nach 'eil eadar-dhealachadh mòr eadar iadsan agus Críost ?

F. Tha.

C. Cionnus a ta na h-aingil 'nam mic do Dhia ?

F. Thaobh cruthachaidh: ann an t-seadh so goirear mac Dhé do Adhamh.

C. Cionnus a ta na creidmhich 'nan mic do Dhia ?

F. Thaobh ath-ghineamhuinn agus uchd-mhacachd.

C. Cionnus a ta Críost na Mhac do Dhia ?

F. Thaobh ginealaich shiorruidh; agus uimé sin goirear aon Mhac Dhé dheth.

C. Ciod a rinn Críost air son pheacach chailte ?

F. Ghabh e os làimh bhi na Eadar-mheadhonair eadar Dia agus iadsan.

C. Cò iad a ta e a' saoradh ?

F. Na daoine taghta.

C. Cia uaith a ta e 'gan saoradh ?

F. O phacadh agus o ifrinn.

C. Cionnus a chuir Críost an gníomh na ghabh e os làimh ?

F. Ghabh e ar nàdur-ne air féin, agus dhòirt e 'fhuil phrìseil air ar son.

C. Cialion nàdur ata aig Críost ?

F. Da nàdur.

C. Ciod iad sin ?

F. Nàdur Dhé, agus nàdur dhuine.

C. C'ar son a b' éigin do'r Fear-saoraidh bhi na Dhia agus na dhuine ?

F. Bha e na dhuine chum bàsachadh air ar son; agus na Dhia chum busaidh a thoirt air a' bhàs.

C. An robh an dà nàdur sin aige riamh ?

F. Cha robh.

C. Nach robh e na Dhia o shiorruidheachd ?

F. Bha.

C. An robh e na dhuine o shiorruidheachd ?

F. Cha robh.

C. C'uin a dh'fhàs e na dhuine ?

F. Ann an iomlaineachd na h-

- aimsir, an uair bha an t-slat-rioghail a' dealachadh ri Iudah.
- C. Am mair e na Dhia agus na dhuine gu sìorruidh?
- F. Mairidh.
- C. Cionnus a rinneadh e na dhuine?
- F. Le fìor chorp agus anam a ghabhail da féin.
- C. Co leis a bha e air a bhreth?
- F. Leis an Oighe Muire.
- C. An robh athair air bith aige air thalamh?
- F. Cha robh.
- C. Cionnus ma ta a ghineadh e?
- F. Le cumhachd an Spioraid Naoimh.
- C. C'ar son a ghineadh e air a mhodh so?
- F. Chum's gu'm biodh e saor o pheacadh gin.
- C. An robh peacadh no truailidheachd sam bith ann?
- F. Cha robh.
- C. C'ait an d' rugadh e?
- F. Am Betlehem.
- C. Co'n treubh o'n d' thàinig e?
- F. O threubh Iudah.
- C. Co'n teaghlach?
- F. O theaghlach Dhaibhidh.
- C. Ciod an staid san d' rugadh Criosd?
- F. Ann an staid iosail.
- C. Ciod i an staid sin?
- F. Rugadh e le innaoi bhig-inbhich, ann an stapull, agus chuireadh na luidhe e ann am prasaich.
- C. An do chaith e beatha iosa-san t-saoghal so?
- F. Chaith e.

- C. C'ar son a rinn e so uile?
- F. Air ar soin-ne.
- C. An do ghabh e air féin aon sam bith do dh'anmhuinn-eachdan ar nàduir-ne?
- F. Ghabh e a' chuid sin diubh, a bha coitchionn agus neolochdach.
- C. Ciod iad sin?
- F. Doilgheas, sgìos, ocras, codal, fallas, 'fhuil a dhòrtadh, agus an leithide sin.
- C. C'ar son a ghabh e iad so air féin?
- F. Chum's gu'm biodh e ni bu chomasaich air co-fhulangas a bhi aige ruinne 'nar n-àmhgharaibh féin.
- C. C'ar son a ghoirear Iosa do'r Fear-saoraidh?
- F. Do bhrì gu bheil e tèarnadh a phobuill o'm peacaibh.
- C. C'ar son a ghoirear Criosd dheth?
- F. Do bhrì gu'n robh e air ungadh agus air a ehur air leth chum dreuchdan an eadar-mheadhonaireachd.
- C. Cia lion dreuchd chum an d' orduicheadh e?
- F. Tri.
- C. Ciod iad?
- F. Dreuchd Fàidh, Sagairt, agus Rìgh.
- C. Am bheil feum agad air Eadar-mheadhonair leis na dreuchdan sin uile? F. Tha.
- C. C'ar son a b'éigin do dhreuchd Eadar-mheadhonair-eachd Chriosd a bhi tri-fillte?
- F. Chum freagradh do ar truaighibh tri-fillte.

- C. Ciod iad sin ?  
 F. Aineolas, clonta, agus daorsa.  
 C. Ciod am feum a ta agad air Criosd mar Fhàidh ?  
 F. Chum mo thcagasg, agus m'aineolas a leigheas.  
 C. Ciod am feum a ta agad air Criosd mar Shagart ?  
 F. Chum mo chionta a dhioladh, agus eadar-ghuidhe a dheanamh ri Dia as mo leth.  
 C. Ciod am feum a ta agad air Criosd mar Rìgh ?  
 F. Chum mo shaoradh o dhaorsa, agus mo riaghladh le a lagh.  
 C. Cionnus a ta Criosd a' leigheas ar n-aineolais ?  
 F. Le 'fhocal agus le 'Spiorad g'ar teagasg.  
 C. Cionnus a rinn e réite air son ar cionta ?  
 F. Le 'bhàs, agus le e féin a 'hoirt suas na ìobairt air ar soinne air a' chrann-cheusaidh.  
 C. Cionnus a ta e g'ar saoradh o dhaorsa ?  
 F. Le 'chumhachd, a cur air aghaidh obair na h-iompachaidh agus na naomhachd annainn.  
 C. Ciod am bàs a dh'fhuiling Criosd air ar son ?  
 F. Bàs a' chroinn-cheusaidh.  
 C. Ciod an gné bhàis bha'r sin ?  
 F. Bàs malluichte, nàireach agus dòrainneach.  
 C. Ciod a' chrìoch air son an d'fhuair e bàs ?  
 F. Chum a bhi na ìobairt bhean-

- naichte, a dhioladh ceartais air son peacaidh, agus a chur sinne dheanamh réidh ri Dia  
 C. Ciod i an ìobairt a thug Criosd a suas air ar son ?  
 F. Thug e suas e féin.  
 C. Cia aca a thug e suas 'anam no 'chorp ?  
 F. Thug e suas iad le chéile air ar son.  
 C. An d'fhuiling e ach corruich dhaoine agus dheamhain air ar son ?  
 F. Dh'fhuiling e fearg Dhé mar an ceudna.  
 C. An d'fhuiling e ach a mhàir na chorp air ar son ?  
 F. Dh' fhuiling e 'na anam mar an ceudna.  
 C. C'ait an d'rinn e sin gu sònraichte ?  
 F. Anns a' ghàradh agus air a' chrann-cheusaidh.  
 C. Cia mar a ta fios agad gu'n d'fhuiling e 'na anam an sin ?  
 F. Leis an fhallas fhola, agus leis na briathraibh a labhair e san àm sin.  
 C. An d'fhuair ceartas Dé landioladh leis na dh'fhuiling Criosd air son a phobuill ?  
 F. Fhuair.  
 C. An iarr Dia tuille diolaidh air an son ?  
 F. Cha'n iarr.  
 C. Cia mar ata fios agad air sin ?  
 F. Do bhrì gu'n dubhairt Criosd air a' chrann-cheusaidh, 'A t' e crìochnaichte, agus an sin thug e suas a spiorad.' Agus na dhéigh sin thogadh o'n uaigh e.

- E. Ciod a thachair do Chrìosd an déigh a bhàis ?  
 F. Dh'adhlaicadh a chorp san uaigh, agus chaidh 'anam gu Pharas.  
 C. An do mhair an ceangal eadar dà nàdur Chrìosd an déigh a bhàis ?  
 F. Mhair.  
 C. An d'fhan e fada ann a' staid nam marbh ?  
 F. Cha d'fhan.  
 C. C'uin a dh'éirich e o'n uaigh ?  
 F. Air an treas latha an déigh a' hais.  
 C. Cò'n latha do'n t-seachdain air an d'éirich e ?  
 F. Air a' cheud latha do'n t-seachdain, agus o sin goirear Latha an Tighearna dheth.  
 C. An robh an t-sàbaid san am kin air a h-atharrachadh o'n t-seachdamh chum a' cheud latha do'n t-seachdain ?  
 F. Bha.  
 C. C'ar son a rinneadh an t-atharrachadh so ?  
 F. Mar urram do'r Fear-saoraidh, agus chum gu'n cumadhaid suas buan chuimhne air 'aiseirigh ghlòrmhoir-san, agus a bhuaidh thar gach namhaid a ta aige-san agus againne.  
 C. Cò iad na naimhde sin ?  
 F. An diabhl, an saoghal, am peacadh, am bàs agus ifrinn.  
 C. Am faca Chrìosd truaillidh-eachd san uaigh ?  
 F. Cha'n fhaca.  
 C. Cionnus a thachair sin ?

- F. Do bhri gu'n robh e gu pheacadh.  
 C. Co an cunhachd leis an d'éirich e ?  
 F. Le cumhachd a Dhiadhachd féin.  
 C. C'ar son a dh'éirich e ?  
 F. A nochdadh gu'n robh cearstas air a làn dioladh, agus a naimhde uile air an ceann-sachadh.  
 C. Cia fhad a dh'fhan Chrìosd air thalamh an déigh dha éirigh ?  
 F. Dà fhichead latha.  
 C. Ciod a bha e dcanamh rè na h-ùine sin ?  
 F. Bha e daingneachadh a dheisciobuil 'nan creidimh, agus g'an teagasg anns na nithibh a bhuneas do rìoghachd D' e.  
 C. Ciod a rinn e an déigh sin ?  
 F. Chaidh e suas air nèamh.  
 C. C'ait am bheil e na shuidhe an sin ?  
 F. Aig deas làimh Dhé.  
 C. Ciod a tha e deanamh ?  
 F. Tha e deanamh eadar-ghuidhe air ar soim-ne.  
 C. An tig e gu bràth tuille chum an t-saoghail so ?  
 F. Thig.  
 C. C'uin ?  
 F. Aig an latha dheireannach.  
 C. Am bheil fios aig neach sam bith c'uin a thig an latha sin ?  
 F. Cha'n 'eil.  
 C. C'ar son tha Dia a' cumail an latha sin am folach uainne ?  
 F. Chum gu'n deanamaid faire gach aon latha, agus gu'n bith.

- eamaid a ghnàth air ar faicill.
- C. Ciod an dòigh air an tig Criosd a rìs ?
- F. Air dòigh ro-ghlòrmhoir, le ainglibh naomha a' feitheamh vir.
- C. C'ar son a thig e ?
- F. A thoirt breith air an t-saoghal.
- C. Co air an toir e hreth san latha sin ?
- F. Araon air bheòthaibh agus air gach uile neach a bha, no a ta, no a bhitheas air an t-saoghal.
- C. Am bi gach neach ata marbh air an dùsgadh o'n uaighibh ?
- F. Bithidh.
- C. Ciod na cuirp leis an éirich iad ?
- F. Leis na cuirp cheudna bha aca roimhe a thaobh brìgh, ach eadar-dhealaicht a thaobh am buaidhean.
- C. Cionnus a dhuisgear na mairbh ?
- F. Le treun ghuth an àrd-aingil, agus le fuaim na trompaid dheireannaich.
- C. Nach bi eadar-dhealachadh mòr eadar aiseirigh nam firean agus nan aingidh ?
- F. Bithidh.
- C. Ciod an t-eadar-dhealachadh a bhios ann ?
- F. Eiridh na fireana le glòir agus buaidh; ach na h-aingidh le ball-chrith agus uamhunn.
- C. Am feum iad uile teachd gu caithir breitheanais Chrìosd ?
- F. Feumaidh.
- C. Co bhéir ann iad ?
- F. Bheir na h-aingil.
- C. Co chuireas an Breith-eamh air a làimh dheis ?
- F. Na fireana.
- C. Ciod a' bhreth a théid a thoirt orra-san ?
- F. 'Thigibh, a dhaoine beannaichte m' Athar-sa, sealbh-aichibh mar oighreachd an rioghachd a bha air a deasachadh dhuibh o leagadh bunaite an domhain.'
- C. Co chuireas e air a làimh chli ?
- F. Na h-aingidh.
- C. Ciod a' bhinn a théid a thoirt orra-san ?
- F. 'Imichibh uam, a shluagh malluichte, chum an teine shiorruidh, a dh' ulluicheadh do'n diabhul is d'a ainglibh.'
- C. Co iad a bhios air am meas 'nam fireanaibh san latha sin ?
- F. An dream sin a mhàin a ta air an sgeudachadh le fireantachd Chrìosd.
- C. Am bi neach sam bith comasach air seasamh 'na fhìreantachd féin san latha sin ?
- F. Cha bhi.
- C. C'ar son ?
- F. Do bhrì gu bheil ar n-uile fhìreantachd mar luideagaibh salach an làthair Dhé.
- C. Ciod a ta thu a ciallachadh le fireantachd Chrìosd ?
- F. 'Umhlachd-san araon ann na rinn agus na dh'fhuiling e
- C. Ciod i umhlachd ghlòimha Chrìosd ?



F. A bheatha naomha, leis an de choinhlion e an lagh gu h-ìomlan, a' deanamh 'nar n-àitne nan dleasdanas tha an lagh ag aithne.

C. Cìod i umhlachd fulangais Chrìosd ?

F. Gu'n d' fhuiling e gach peanas agus diognaltas a thoill sinne thaobh bristeadh an lagha.

C. Cionnus a ta fireantachd Chrìosd air a deanamh thairis dhuinne ?

F. Le i bhì air a meas duinn air taobh Dhé, agus le creidimh air ar taobh féin.

C. C'uin a ta Dia a' meas fireantachd Chrìosd dhuinn ?

F. An uair a ta sinn a gabhail greim oire le creidimh air son fireanachaidh.

C. Co aca ma ta, a tha sinn air ar fireanachadh le creidimh no le oibrìbh ?

F. Le creidimh a mhàin.

C. Am bheil luach sam bith ann an creidimh mar a ta e 'na ghràs annainne, chum ar fireanachaidh an làthair Dhé ?

F. Cha'n 'eil.

C. Cionnus ma ta a dh'fhìreanaicheas creidimh sinn, no cia mar a ni e sinn ionraic an làthair Dhé ?

F. A mhàin mar a ta e 'na mheadhon, no mar làimh chum greimeachadh ri fireantachd Chrìosd.

C. An i fireantachd Chrìosd a mhàin is mathair-aobhair ar sinn fhìreanachadh ?

F. Is i.

C. An e creidimh meadhon-aobhair ar fireanachaidh ?

F. 'Se.

C. C'ar son nach urrainn fireantachd sam bith eile ach fireantachd Chrìosd ar fireanachadh an làthair Dhé ?

F. Do bhri gu bheil 'fhìreantachd-san uil-ìomlan, agus gu'n tug i làn dioladh a dh' agartais ccartais.

C. Am feud dùil bhì aig neach sam bith, a shìorbhuanaicheas 'na pheacadh, gu'm bi e air a thearnadh le fireantachd Chrìosd ?

F. Cha'n fheud.

C. Am bheil fireanachadh agus naomhachadh neo-eadar-dhealaichte ?

F. Tha.

C. Am feud sinn bhì air ar fireanachadh le Chrìosd gun chaochladh bhì air a dheanamh oirnn ?

F. Cha'n fheud.

C. Cìod an caochladh is éigin bhì air a dheanamh oirnn ?

F. Caochladh ro mhòr: 'S éigin gu'm bi an seann nadur air a thoirt air falbh, agus cridhe nuadh air a thoirt dhuinn.

C. Cìod i dreuchd an Spioraid Naoimh ann an obair slàint an duine ?

F. An t-saorsa agus na soch-airean a choisinn Chrìosd a chur ris na daoineibh taghta.

C. Cionnus a ta e deanamh sin ?

F. Le creidimh oibreachadh anns a' chridhe, agus obair

- na h-iompachaidh agus na naomhachaidh a thoirt air a h-aghaidh san duine gu h-iomlan.
- C. Ciod iad na meadhona o'n leth muigh a ta Dia a' gnàthachadh gu coitchionn a thòiseachadh na h-oibre so ?
- F. 'Fhocal agus a shlat.
- C. Ciod e a' cheud cheum do dh'obair an Spioraid ann an anam an duine ?
- F. Geur-mhothachadh.
- C. Ciod air an toir e geur-mhothachadh dha ?
- F. Araon air a pheacadh agus air a thruaighe.
- C. Ciod e an dara ceum do dh'obair an Spioraid ann an obair an iompachaidh ?
- F. Foillsichidh e Criosd do'n pheacach.
- C. Ciod a ni e na dhéigh sin ?
- F. Tairngidh e mach an cridhe gu gabhail ri Criosd agus ri slighe na naomhachd.
- C. Ciod an dòigh air an taisbein neach a ta air ath-nuadhachadh, gu bheil fìor-chaochladh air a dheanamh air ?
- F. Le fìor-ghràdh do Dhia agus le umhlachd d'a àith-cantaibh.
- C. Cionnus is còir dhuit Dia a ghràdhachadh ?
- F. Le m' uilc chridhe agus anam, agus os ceann gach ni a ta san t-saoghal.
- C. Cionnus is còir dhuit umhlachd a thoirt do àitheantaibh Dhé ?
- F. Gu treibhdhreach, gu bu

- railteach, agus gu h-iomlan.
- C. Cia lion àithne ta ann ?
- F. Deich.
- C. Cionnus ata iad air an roinn ?
- F. Ann an dà chlàr.
- C. Cia lion a ta sa' cheud chlàr ?
- F. Ceithir.
- C. Cia lion a ta san dara clàr ?
- F. Sia.
- C. Ciod a ta air a chur sios anns a' cheud chlàr ?
- F. Ar dleasdanas do Dhia.
- C. Ciod a ta air a chur sios san dara clàr.
- F. Ar dleasdanas do dhuine.
- C. Cionnus a bha na deich àitheantan air an sgrìobhadh air tùs ?
- F. Bha iad air an sgrìobhadh le meur Dhé air dà chlàr chloiche.
- C. Co dha a thug Dia iad air tùs ?
- F. Do Mhaois.
- C. C'ait an d'thug e seachad iad ?
- F. Air sliabh Shinaì.
- C. An urrainn thu an aithris ?
- F. Is urrainn.
- C. Nach bu chòir dhuit dichioil a dheanamh chum an tuigsinn ?
- F. Bu chòir.
- C. Ciod i an àithne a tha toirmeasg iodhol-aoraidh, no aoraidh a thoirt do dhiathaibh bréige ?
- F. A' cheud àithne.
- C. Ciod i an àithne a ta toirmeasg saobh-chràbhadh, no aoradh do Dhia air mhodh mearachdach ?
- F. An dara h-àithne
- C. Ciod i an àithne a ta

- toirmeasg mionnan, no ma n-òmhachadh ainm Dhé ?
- F. An trcas àithne.
- C. Ciod i an àithne a ta cur mar fhiachaibh ort latha na sàbaid a choimhead ?
- F. An ccathramh àithne.
- C. Cionnus is còir dhuit an t-sàbaid a choimhead ?
- F. Le bhi ag aoradh do Dhia araon gu h-uaigneach agus gu follaiseach ; agus gun bhi smuaineachadh mo smuainte féin, no labhairt mo bhriathra féin, no deanamh m'òibre féin air an latha sin.
- C. Ciod i an àithne a ta 'g iarruidh ort umhlachd a thoirt do d' phàrantaibh ?
- F. An cùigeamh àithne.
- C. Ciod i an àithne a ta toirmeasg dhuit strì no dochann a dheanamh air do choimhearsnach ?
- F. An siathamh àithne.
- C. Ciod i an àithne a ta toirmeasg neo-ghloine ?
- F. An seachdamh àithne.
- C. Ciod i an àithne a ta toirmeasg gadachd ?
- F. An t-ochdamh àithne ?
- C. Ciod i an àithne a ta toirmeasg bhreug ?
- F. An naothamh àithne.
- C. Ciod i an àithne a ta toirmeasg sannt ?
- F. An deicheamh àithne.
- C. Ciod is suim do na deich àitheantan ?
- F. Dia agus mo choimhearsnach a ghràdhachadh.
- C. Am bu chòir dhuit na

- h-àitheantan uile a choimhead gu h-ìomlan ?
- F. Bu chòir.
- C. Am bheil thu comasach air sin a dheanamh ?
- F. Cha'n 'eil.
- C. Am bheil thu g'am bristeadh gach latha ?
- F. Tha.
- C. Cia mar ta thu deanamh sin ?
- F. Ann an smuain, am briathar, agus an gnìomh.
- C. An robh neach riamh ann a bha comasach air na h-àitheantan so a choimhead gu h-ìomlan ?
- F. Bha.
- C. Co e ?
- F. Adhamh, mu'n do thuit e.
- C. An robh neach sam bith ann o thuiteam an duine comasach air an coimhead gu h-ìomlan ?
- F. Bha : Iosa Crìosd.
- C. An robh annsan ach duine a mhàin ?
- F. Bha.
- C. Ciod cile bha e ?
- F. Bha e na Dhia agus na dhuine ann an aon phearsa.
- C. Ciod tha sinn a' toiltinn air son bristeadh gach aon do na h-àitheantan sin ?
- F. Fearg Dhé araon anns a' bheatha so agus sa' bheatha a ta ri teachd.
- C. Co an neach tre am bheil dùil agad ri dol as o'n fheirg sin ?
- F. Tre Iosa Crìosd a choimh-lion ar Iagh, agus a dhiol ceartas air mo shon.
- C. An feud gach uile neact-còir agradh dha féin air na rìna



- agus na dh'fhuiling Crìosd ?  
 F. Cha'n fheud.  
 C. Co iad a dh'fheudas sin a dheanamh le barantas ?  
 F. Gach fìor chreidmheach agus aithreachan treibhdhireach.  
 C. Co iad na fìor chreidmhidh ?  
 F. An dream sin a theich chum Iosa Crìosd, agus a ghabh ris le fìor chreidimh.  
 C. Ciod e fìor chreidimh ?  
 F. Is e làmh an anama e, a ghabhas greim air Crìosd, agus a shocraicheas air mar an Slànuighear, agus mar an-saorsa mhòr ata Dia a' tairgse dhuinn.  
 C. Ciod e a' chrìoch air son am bheil e air a thairgse ?  
 F. Air son beatha agus slàinte.  
 C. C'ait am bheil e air a thairgse dhuinn ?  
 F. Anns an t-soisgeul.  
 C. Cia mar a tha e air a thairgse dhuinn san t-soisgeul ?  
 F. Gu saor, gu h-iomlan, agus na uilc dhreuchdan, mar fhàidh, mar shagart, agus mar rìgh.  
 C. Co iad na fìor aithreachain ?  
 F. An dream sin a phill ri Dia ann an Crìosd le aithreachas fìor agus neo-chealgach.  
 C. Ciod e fìor aithreachas ?  
 F. Bròn treibhdhireach air son ar peacanna, le pilltinn uatha gu Iosa Crìosd, agus gu slighe na naomhadh.  
 C. An urrainn thu creidsinn no aithreachas a dheanamh uait fein ?  
 F. Cha'n urrainn.  
 C. Cia mar ata fios agad air sin ?

- F. A ta focal Dé 'ga innseadh dhomh : agus os bàrr, a ta mi a' mothachadh gu bheil mo chridhe thaobh nàduir marbh, agus cruaidh mar chloich.  
 C. Ciod an ni a ta comasach air an anam mharbh a bheothachadh, agus air a' chridhe chruaidh a bhristeadh ?  
 F. Cha'n 'eil ni sam bith ach neart uile-chumhachdaich Dhé, agus a shaor-ghràs.  
 C. Nach bu chòir dhuit a ghnàth sùil a bhi agad ris a' chumhadh sin agus bhi guidhe air a shon ?  
 F. Bu chòir.  
 C. Nach 'eil thu a thaobh nàduir a' d' choigreach do Dhia, agus fada uaith ?  
 F. Tha.  
 C. Cionnus a ta thu air do thoirt dlùth dha ?  
 F. Tre fhuil Chrìosd.  
 C. Ciod iad na meadhona cumanta leis am bheil sinn a' factainn eòlais air Crìosd agus co-chomunn ris ?  
 F. Am focal, sacramaint, agus urnuigh.  
 C. Cionnus is còir dhuit am focal a leubhadh agus éisdeachd ?  
 F. Le creidimh, le gràdh, agus le furachas.  
 C. Ciod e sacramaint ?  
 F. Is comhara so-fhaicsinneach e, chum Crìosd a thaisbeanadh agus a chur ruinn le 'uile shochairiòh.  
 C. Cia lion sacramaint ata ann ?  
 F. Dà shacramaint.  
 C. Ciod iad sacramainté an

- t-Seann Tiomnaidh ?  
 F. Am timchioll-ghearna da agus an t-Uan-càisge.  
 C. Am bheil iad sin a nis air an cur air chùl ?  
 F. Tha.  
 C. Ciod iad sacramainte an Tiomnaidh Nuaidh ?  
 F. Am baisteadh agus suipeir an Tighearna.  
 C. Co a dh'orduich iad sin ?  
 F. Iosa Crìosd, aon cheannard na h-eaglais.  
 C. Ciod i a' chrìoch chum an d'orduich a na sacramainte so ?  
 F. Gu bhi 'nan sculaibh air cumhnant nan gràs, agus chum a phobull féin a dhaingneachadh 'nan creidimh.  
 C. Cia fhad a mhaireas iad ?  
 F. Gus an tig Crìosd a ris.  
 C. Ciod an samhladh no'n comhara o'n leth muigh, a ta air a ghnàthachadh anns a' bhaisteadh ?  
 F. Uisge air a chrathadh air a' chorp.  
 C. Ciod a ta air a chiallachadh le sin ?  
 F. Fuil Chrìosd a ghlanas air falbh peacadh agus ciont an anama.  
 C. Co an t-ainm anns an de bhaisteadh thu ?  
 F. An ainm an Athar, a' Mhic, agus an Spioraid Naomh.  
 C. Ciod iad na comharan on' leth muigh a ta ann an suipeir an Tighearna ?  
 F. Aran agus fion.

- C. Clod a ta iad sin a' ciallachadh dhuinne ?  
 F. Corp agus fuil Chrìosd.  
 C. Cuin a dh'orduich Crìosd an t-sacramaint so ?  
 F. Anns an oidhche san do bhrathadh e.  
 C. Ciod a' chrìoch chum an d'orduich e i ?  
 F. Chum cuimhn a bhàis agus 'fhulangais a chumail suas measg a phobuill féin gu deireadh an t-saoghail.  
 C. Am bheil eadar-dhealachadh air bith eadar am baisteadh agus Suipeir an Tighearna ?  
 F. Tha.  
 C. Nach 'eil iad le chéile a' taisbeanadh, a' sealachadh, agus a' co-chur nan nithe ceudna ?  
 F. Tha.  
 C. C'àit am bheil an t-eadar-dhealachadh ma ta ?  
 F. Tha aon diubh air son tòiseachaidh,—an aon eile chum altruim ; 'se am baisteadh an dorus air an éigin do chloinn Dé dol a steach,—is i Suipeir an Tighearn am bord aig an éigin doibh a bhi air am beathachadh.  
 C. Am bheil am Baisteadh gu bhi air a fhrithealadh a ris ?  
 F. Cha'n 'eil.  
 C. Am bheil Suipeir an Tighearna gu bhi air a gabhail gu minic ?  
 F. Tha.  
 C. Cia lion earrann a ta ann an 'Urnuigh ?  
 F. Tri.

- C. Ciod iad ?  
 F. Aidmheil, iarrtus, agus buidheachas.  
 C. Co ris is còir dhuit urnuigh a dheanamh ?  
 F. Ri Dia a mhàin.  
 C. Co an t-ainm anns an còir dhuit t'athchuinge chur suas ?  
 F. Ann an ainm Chrìosd.  
 C. Ciod an dòigh air an còir dhuit t'urnuigh a dheanamh ?  
 F. Le irioslachd, le creidimh, agus le dùrachd.  
 C. Ciod iad na nithe is còir dhuit iarraidh ann ad urnuigh ?  
 F. A mhàin nithe a réir toil Dhé.  
 C. An d'thug Dia riaghailt air bith chum urnuigh a dheanamh ?  
 F. Thug.  
 C. Ciod i ?  
 F. Na Sgrìobtuire Naomha gu léir, agus urnuigh an Tighearna gu h-àraidh.  
 C. An urrainn thu urnuigh an Tighearn aithris ?  
 F. Is urrainn.  
 C. Cia lion earrann a ta ann an urnuigh an Tighearna ?  
 F. Tri.  
 C. Ciod iad ?  
 F. Roimh-radh, sia iarrtuis, agus co-dhùnadh.  
 C. Cia lion iarrtus dhiubh sin a ta air son nithe aimsireil ?  
 F. Cha'n 'eil ach a h-aon.  
 C. Co dhiubh e ?  
 F. An ceathramh, eadhon, 'Thoir dhuinn an diugh ar n-aran lathail.'  
 C. C'ar son nach 'eil ach aon

- iarrtus air son tiodhlaca aèmsireil ?  
 F. A theagasg dhuinn bhi ni's dùrachdaiche air son bheannachdan spioradail, na air son nithe maithe na beatha so.  
 C. Ciod iad na nithe sin is dùrachdaiche bu chòir dhuit bhi 'g iarraidh ann ad urnuigh ?  
 F. Tròcair chum maitheanas fhaotainn ann am pheacadh, agus gràs chum mo chuid-eachadh ann am fheum; agus gu sonruichte gu'm bithinn air mo neartachadh aig uair mo bhàis.  
 C. Am bheil dòigh sam bith air dol as o'n bhàs ?  
 F. Cha'n 'eil.  
 C. C'ar son ?  
 F. Do bhrì gu bheil e air orduchadh do na h-uile dhaoine bàs fhaotainn aon uair.  
 C. An robh neach riamh ann a bha air a shaoradh o'n bhàs ?  
 F. Cha robh ach Enoch agus Elias.  
 C. Ciod a thachair dhoibh-san ?  
 F. Bha iad air an atharrachadh gu nèamh gun am bàs bhlasad.  
 C. Ciod a thug am bàs a chum an t-saoghail ?  
 F. Thug am peacadh.  
 C. Nach 'eil na creidmheich idir làn-shaor o pheacadh gus am bàsaich iad ?  
 F. Cha'n 'eil.  
 C. Ciod e gath a' bhàis ?  
 F. Am peacadh.  
 C. Co thug an gath as a' bhàs do na creidmheich ?

- F. Thug Criosd.  
 C. Am bheil am bàs ma seadh na pheanas do na creidmhich?  
 F. Cha'n 'eil.  
 C. Nach 'eil am bàs na bhuan-achd dhoibh?  
 F. Tha.  
 C. Cia mar so?  
 F. Do bhrì gu'n cuir e crìoch air an trioblaid; agus gu bheil e na fhuasgladh beannaichte dhoibh o'n truaighe, agus na thoiseach sonais.  
 C. Co ris a shamhlaichear bàs nan creidmheach san sgrìob-tuir?  
 F. Ri codal.  
 C. Co ris a shamhlaichear an uaighean?  
 F. Ri leabaichibh fois.  
 C. Cia uaithe a ta iad a' gabh ail fios?  
 F. O bhuaireibh an diabhuil, o gheur-leannmhuinn an t-saoghail, agus o chogairsich a' pheacaidh.  
 C. Ciod e am bàs do'n duine aingidh?  
 F. Is peanas e air son peacaidh, agus dorus gu truaighe shiorruidh.  
 C. Ciod i an uaigh dhasan?  
 F. Is prìosan i a choimhead a chuirp, chum breitheanais an latha mhòir.  
 C. Ciod a tharlas do'n anam aig a bhàs?  
 F. Pillidh e gu Dia thug uaidh e, a dh'fhaotainn a bhinn.  
 C. C'ait an cuir Dia na h-aingidh?  
 F. Do dh'ifrinn.

- C. Co a ta chomhnuidh an sin?  
 F. An diabhuil agus 'ainglibh  
 C. Ciod an gnè ait a ta an ifrinn?  
 F. Tha ionad doruinneach; loch a ta losgadh le teine agus pronnusc gu siorruidh.  
 C. C'ait an d'théid na daoine diadhaidh aig a bhàs?  
 F. Gu nèamh.  
 C. Co iad a ta chomhnuidh an sin?  
 F. Tha Dia, agus Criosd, agus na h-aingil naomha.  
 C. Ciod a' ghné ait a ta an nèamh?  
 F. Aite ro-ghlòrmhor far am bheil lan-aoibhneas agus sòlas gu siorruidh.  
 C. Ciod a bhios na h-aingidh a deanamh an ifrinn?  
 F. Bithidh iad a' mallachadh, agus a' labhairt toibheum gu siorruidh.  
 C. Ciod a bhios na naoimh a' deanamh air nèamh?  
 F. Bithidh iad a' moladh Chrìosd, a' seinn cliu, agus a' deanamh gairdeachas gu siorruidh.  
 C. Cionnus a gheibh sinn do'n ionad bheannaichte sin?  
 F. 'S éigin duinn bhi sealltuinn ri Iosa ar fearùil, eisempleir a bheatha a leantuinn, agus bun a dheanamh a toillteanas a bhàis.

*Celstean Eachdraidh air an  
toirt as a Bhiobul air son  
Cloinne.*

- C. Co e a' cheud duine bha air  
an t-saoghal ?  
F. Adhamh.  
C. Co i a' cheud bhean a bha  
ain ?  
F. Eubha.  
C. Co dheth a rinneadh  
Adhamh ?  
F. Do dhuslach na talmhainn.  
C. Co dheth a rinneadh Eubha ?  
F. Do dh' aisne a taobh  
Adhaimh.  
C. C'ait an do chuir Dia iad  
nuair a chruthaich e iad ?  
F. Ann an gàradh Edein.  
C. Co air son a chuir e an sin iad ?  
F. Chum a choimhead agus a  
dheasachadh.  
C. Co a' cheud mhortair a bha  
air an t-saoghal ?  
F. Càin.  
C. Co a' cheud neach a mharbh-  
adh air son na diadhachd ?  
F. Abel.  
C. Co do mhic Adhaimh o'n  
d' thainig na fireanaich ?  
F. O Shet.  
C. Co an duine bu shine bha  
air an t-saoghal ?  
F. Metuselah.  
C. Cionnus a bha an seann  
saoghal air a sgrios ?  
F. Leis an tuil.  
C. Cuin a thachair sin ?  
F. Mu thimchioll sia ceud deug  
bliadhna da fhichead sa sia  
deug an déigh a chruthach-  
aidh.

- C. C'ar son a sgriosadh an  
seann saoghal ?  
F. Air son am peacannan  
uamharra an aghaidh Dhé.  
C. Co a bha air an tearnadh o'n  
léir-sgrios mhòr sin ?  
F. Cha robh a h-aon ach Noah  
agus a theaghlach.  
C. Cionnus a bha esan air a  
thearnadh ?  
F. Leis an airc a rinn e.  
C. Cia fhad a bha e deanamh  
na h-airce ?  
F. Ceud agus fichead bliadh-  
na.  
C. C'ar son a bha e co fhada  
ga deanamh ?  
F. Chum rabhadh a thoirt do'n  
t-saoghal, agus ùine gu aith-  
reachas a ghabhail d'am peac-  
annan.  
C. An robh e air a shon so air  
a ghairm na shearmonaiche  
fireantachd ? F. Bha.  
C. Cia lion mac a bha aig Noah ?  
F. Triuir ? Sem, Ham, agus  
Iaphet.  
C. Co dhiubh a b'fhearr ?  
F. Sem.  
C. Co bu mhiosa dhiubh ?  
F. Ham.  
C. Co dhiubh o'n d' thainig  
sinne ?  
F. O Iaphet.  
C. Ciod i a' cheud chàin a  
a bha air air an t-saoghal ?  
F. A' chàin Eabhruidheach.  
C. Cuin a thòisich atharrachadh  
nan càin ?  
F. Aig togail Bhaheil.  
C. Cionnus a chaidh Sodom a  
sgrios ?

- F. Le teine agus prionnusc nèamh.
- C. An robh neach sam bith sa bhaile sin air an tearnadh uaithe?
- F. Cha robh a h-aon ach Lot, a bhean, agus a dhà nighinn.
- C. Ciod a thachair d'a mhnaoi?
- F. Rinneadh, creag shalainn di.
- C. Ciod a b'aobhar do'n pheanas mhòr so?
- F. A chionn gu'n d'amhairc i air a h-ais air Sodom, agus air son a gràidh do'n t-saoghal.
- C. Co de'n goirear athair nan creidmheach?
- F. De Abraham.
- C. Ciod an deuchainn bu mhò a fhuair a chreidimh-san?
- F. A mhac Isaac iobradh suas air iartus Dé.
- C. Cia lion mac a bha aig Isaac?
- F. A dha, Iacob agus Esau.
- C. Cia lion mac a bha aig Iacob?
- F. A dhà-dheug.
- C. Co dhiubh bu shine?
- F. Reuben.
- C. Co dhiubh a b'òige?
- F. Benjamin.
- C. Co dhiubh a reiceadh do'n Eiphit?
- F. Ioseph.
- C. Co a reic e?
- F. A bhràithrean.
- C. Cia lion treubh a bha ann de chloinn Israeil?
- F. A dhà-dheug.
- C. Co da na treubhaibh sin as an do roghnaich Dia a shagairtean agus a mhinisteirean?
- F. A treubh Lebhi.

- C. Co'n treubh dhiubh o'n d' thàinig Criosd?
- F. O threubh Iudaih.
- C. Cionnus a bha na h-Israelich air an sàruchadh san Eiphit?
- F. Rinneadh tràillean de'n cuirp, agus sgriosadh an clann mhac san amhainn Nilus.
- C. Co a shàruich iad?
- F. Pharaoh, righ na h-Eiphit.
- C. Cia lion plàigh a chuir an Tighearn air an Eiphit air a shon so?
- F. Deich plàighean.
- C. Cia mar a léir-sgriosadh na h-Eiphitich mu dheircadh?
- F. Bha iad air am bathadh sa' mhuir-ruaidh.
- C. Cionnus a bha clann Israeil air an teasainginn an uair sin?
- F. Sgoilt an Tighearna a mhuir-ruadh, air chor is gu'n deachaidh iad a null air talamh tioram.
- C. Co thug a mach as ar Eiphit iad?
- F. Maois.
- C. Cionnus a bha iad air ar stiùradh troimh an fhàsach?
- F. Le slaman-ceathaich san latha, agus le meall teine san oidhche.
- C. Cionnus a bha iad air am beathachadh an sin?
- F. Le mana o nèamh.
- C. Cia mar a fhuair iad d'coch san fhàsach thioram sin?
- F. Thug Dia uisge dhoibh as a' charraig, a lean iad fad na slighe.
- C. Co iadsan air an d'fhosgail an talamh, agus a bha air ar

- slugadh sìos beò ?
- F. Corah, Datan, agus Abiram.
- C. C'ar son a rinneadh an peanas so orra ?
- F. Air son an ceannairc an aghaidh Mhaois agus Araoin.
- C. Cia lion a bha ann do chloinn Isracil 'nuair a thàinig iad mach as an Eiphit ?
- F. Mu thimchioll sia ceud mìle.
- C. Cia lion diubh sin a chaidh steach do thìr Chanaain ?
- F. Cha deachaidh neach ach Caleb agus Iosua.
- C. Ciod a thachair do chàch ?
- F. Fhuair iad uile bàs anns an fhàsach.
- C. Ciod am peacadh bu mho a rinn iad san fhàsach ?
- F. An laogh òir a dheanamh agus aoradh dha.
- C. Co an duine bu chiuine bha air thalamh ?
- F. Maois.
- C. Co'n duine bu treise bha ann ?
- F. Samson.
- C. Co'n duine b' fhoighidnich bha ann ?
- F. Iob.
- C. Co'n duine bha a réir cridhe Dhé ?
- F. Daibhidh.
- C. Co'n duine bu mhaistcine bha ann ?
- F. Absalom.
- C. Co'n duine bu ghlice bha ann ?
- F. Solamh.
- C. Co e Solamh ?

- F. Mac Dhaibhidh, agus Rìgh Ierusalem.
- C. Co thog teampull Ierusalem ?
- F. Thog Solamh, an rìgh glic agus cumhachdach sin.
- C. Cuin a thogadh e ?
- F. Mu thimchioll mìle bliadhna roimh theachd Chrìosd.
- C. Co iad a bha air an tilgeadh do'n àmhuinn theintich ?
- F. Sadrach, Mesech, agus Abednego.
- C. C'ar son a chuireadh ann iad ?
- F. A chionn nach deanadh iad aoradh do'n ìomhaigh òir a rinn Nebuchadnèsar.
- C. Co a chaidh thilgeadh ann an garaidh nan leòmhann ?
- F. Daniel.
- C. C'ar son a chuireadh ann e ?
- F. A chionn nach sguireadh e bhi deanamh urnuigh ri Dia.
- C. Co chaidh a thilgeadh san fhairge, agus a shluigeadh suas le muic-mhara ?
- F. Ionah.
- C. An robh na daoine naomha sin uile air an coimhead agus air an saoradh ?
- F. Bha ; le cumhachd agus tròcair Dhé.
- C. Ciod an t-àm an d' rugadh ar Slànùighear ?
- F. Mu thimchioll ceithir mìle bliadhna an déigh cruthachaidh an t-saoghail.
- C. Co an rìgh a bha ann an Iudea san àm sin ?
- F. Herod.
- C. Co bha na Impèir air ar

- Roimh an sin ?  
 F. Augustus.  
 C. Co a bha na roimh-ruithear aig Crìosd ?  
 F. Eoin Baiste.  
 C. Cìod a thachir dhasan ?  
 F. Thugadh an ceann deth sa' phrìosan le ordugh o Herod.  
 C. C'ar son a rinneadh sin ?  
 F. Do bhri gu'n do chronuich e Herod air son 'aingidheachd.  
 C. Co a dh'fhoillsich breth Chrìosd an toiseach ?  
 F. Dh'fhoillsich na h-aingil.  
 C. Co do'n d'fhoillsich iad e ?  
 F. Do bhnuachailibh chaorach.  
 C. Co thug a' cheud aoradh do Chrìosd an déigh a bhreth ?  
 F. An triuir dhaoine glic a thàinig o'n àirde 'n ear.  
 C. Cionnus bha iad air an stiùradh d'a ionnsuidh ?  
 F. Le reult.  
 C. Co a mharbh a' chlànn òga ann am Betlehem ?  
 F. Herod.  
 C. C'ar son a mharbh e iad ?  
 F. A chionn gu'n robh dùil aige Crìosd a mharbhadh 'nam measg.  
 C. Cionnus a thèarnadh Crìosd ?  
 F. Bha e air a ghiulan do'n Eiphit le Ioseph agus Muire.  
 C. Cia lìon Abstol a roghnaich Crìosd ?  
 F. A dhà-dheug.  
 C. Co dhiubh a b' ionmhuinn leis ?  
 F. Eoin.  
 C. Co dhiubh a b' eudmhoire ?  
 F. Peadar.

- C. Co dhiubh a thug e leis chum bhi 'nam fianuisibh air a chruth-atharrachadh, agus air a chràdh-anama ?  
 F. Peadar, Seumas, agus Eoin.  
 C. Co dhiubh a dh' àicheadh e ?  
 F. Peadar.  
 C. Co dhiubh a bhrath e ?  
 F. Iudas.  
 C. Cia meud air an do reic se e ?  
 F. Air son deich buinn fhlichead airgid.  
 C. Cìod a thachair do Iudas an déigh sin ?  
 F. Thuit e ann an eu-dòchas, agus chroch se e féin.  
 C. Co an neach leis an do dhìtheadh Crìosd gu bhi air a cheusadh ?  
 F. Pontius Pilat an t-Uachdar-an Romanach.  
 C. Co a bhrosn uich Pilat gu sin a dheanamh ?  
 F. Na h-Iudhaich.  
 C. Co do na h-Abstolaibh a chaidh mharbhadh an toiseach ?  
 F. Seumas.  
 C. Co dhiubh a b' fhaide mhair beò ?  
 F. Eoin.  
 C. Co a' cheud neach a chaidh mharbhadh air son Chrìosd ?  
 F. Stephen.  
 C. Cìod am bàs a fhuair e ?  
 F. Chlachadh gu bàs e.  
 C. Co neach a bha air itheadh suas le cnuimhibh ?  
 F. Herod a mharbh Seumas leis a' chlàidheamh.  
 C. Co neach a smuainich an Spiorad Naomh a cheannach



- le h-airgid ?  
 F. Simon Magus.  
 C. Co neach sin, o bhi na fhear-geur-leanmhuinn a thionndaidh gu bhi na shearmonaich?  
 F. Pol.  
 C. Co neach sin a chriothnaich ri searmoin Phoil?  
 F. Felics, an t-uachdaran Romanach.

C. Co an rìgh sin bha am fogus do bhi air aomadh le Pol gu bhi na Chrìosduidh ?

F. Rìgh Agripa.

C. Cuin a bha baile agus team-pull Ierusalem araon air an sgrìos ?

F. Mu thimchioll dà fhichead bliadhn' an déigh bàis Chrìosd.

C. Co leis a rinneadh sin ?

F. Le Titus, Impèir na Roimh

C. Ciod a thachair do na Fàidhibh agus do na h-Abstolaibh ?

F. Dh'fhuiling a' chuid bu mho dhiubh am bàs air son an teagaisg thug iad seachad. Bha Isaiah air a shabhadh as a chéile ; bha Jeremiah air a chlachadh ; bha Peadar agus Aindreas air an ceusadh ; agus thugadh an ceann do Phol, agus mar sin a sìos.

#### URNUIGH AN TIGHEARNA.

Ar n-Athair a ta air neamh, Gu naomhaichear t'ainm. Gu tigeadh do rìoghachd. Gu deanar do thoil air thalamh, mar a nìchear air nèamh. Tabhair dhuinn an diugh ar n-aran la-

thail. Agus maith dhuinn an fiacha mar a mhaitheamaid d'ar luchd-fiachaibh. Agus na leig sinn am buaireadh, ach saor sinn o olc: Oir is leats an rìoghachd, agus an cumhachd, agus a' ghlòir gu sìorruidh. Amen.

#### A' CHREID.

CREIDEAM ann an Dia an t-Athair Uile-chumhachdach, Cruithear nèimh agus na talmhainn ; agus ann an Iosa Crìosd, aon mhac-san, ar Tighearna, neach a ghineadh o'n Spiorad Naomh, a rugadh leis an Oigh Muire, a dh'fhuiling fuidh Phontius Pilat, a cheusadh, a fhuair bàs, agus a dh'adhlaic-eadh, a chaidh sìos do staid nam marbh, a dh'éirich a rìs o na marbhaibh air an treas latha, a chaidh suas air nèamh, agus a ta na shuidhe air deas làimh Dhé an Athar Uile-chumhachdach, agus as sin a thig a thoirt breith air na beothaibh agus air na marbhaibh. Creideam anns an Spiorad Naomh, anns an Eaglais naoimh choitcheònn, ann an co-chomunn nan naomh, ann am maitheanas peacaidh, ann an aiseirigh a' chuirp, agus anns a' bheatha mhaireannach. Amen.

#### ALTACH ROIMH BHIADH

O Dhe ghrasmhoir, paucach sinne a'd' aghaidh, agus leis a sin chaill sinn coir air

gach uile thiodhlaic; gidheadh tha thusa gabhail truas ruinn, agus a toirt loin dhuinn: A Thighearna, deonuich dhuinn a ghabhail gu measara agus le buidheachas; agus dean sinne le gnathachadh na meadhona beatha so, ni 's iomchuidh air son do sheirbhis fein, trid Iosa Crìosd. Amen.

*Aon eile.*

A Dhe bhcanuichte, thoir maitheanas dhuinn ann ar peacaidh; bi réidh ruinn, agus buin o na tiodhlacaibh so am mallachadh a ta a' leantuinn riu air son ar peacaidh; agus aomhaich na sochaire so chum ar feum, agus deònaich dhuinn itheadh agus òl chum do ghlòirsa, air sgàth Iosa Crìosd. Amen.

ALTACH AN DEIGH BIDH.

A Dhe bheannuichte ciod a dh'ìocas sinne dhuit air son t-uile thiodhlaca? 'S ann annads a ta ar bith, ar beatha, agus comas ar glusaid. Mar a ta sinn air ar gleidheadh beo le do fhreasdal-sa, a Thighearna, deonuich dhuinn bhi beo chum do ehliu, le duil agus deigh air beatha is fearr nàille riut fein shuas air nèamh, trid Iosa Crìosd ar Tighearna. Amen.

*Aon eile.*

Bheireamaid buidheachas dhuit, O Dhe ghràs-mhoir, air son Chrìosd, agus gach bean

nachadh thug thu dhuinn leis buidheachas duitse a blicath aich ar cuirp air an àm so. ( ) Biodh an tiodhlac so na earlas air tiodhlacaibh is mò agus is fearr air an ulluchadh dhuinn ann an Crìosd, agus deònuich dhuinn saothreachadh air son a' bhìdh nach teirig ach a mhaireas chum na beatha bhith-bhuain, trid Iosa Crìosd. Amen.

*Na Deich Aitheantan mar a th'iad ann an ranntachd chummannta.*

1. Na geill do Dhia sam bith ach mi.
2. 'S do dh'iomhaidh ghrannnd am feasd na strìochd.
3. Ainm naomh do Dhé na lugh gu faoin.
4. Cuimhnich a Shabaid a choimhead naomh.
5. Do d' pharanntaibh thoi onoir mhor.
6. Is neach sam bith na mo' 's na leon.
7. 'S o neo-ghloin cum thu fein gun lochd.
8. 'S na goid ged bhios do staid gu bochd.
9. Is fianuis bhreig na toir air neach.
10. 'S na sanntaich cuid do choimhearsnaich.

A' CHRÌOCH.



